



## Орган Лемковского Союза.


Выходит в каждый четверг.

Редакция и администрация в Крыници. — Адрес „Лемко“ Крыница.

Вшитых тых, котрым переслано календары для роспродажи, просит редакция о прислане одержанных с роспродажи грошей.

Вшитых пренумераторов просит ся выровнати пренумерату за прошлый рок и вплатати ю за рок 1935.

Вписуйте ся в члены Лемко Союза! Членска еkladна выносит 2 зл. рочно. Лемко-Союз выплачат своим членам в несчастях запомогы и так: 1) в случаю смерти члена 70 зл., 2) в случаю страты коровы, або коня 50 зл.



Пренумерата в краю:

30 грошей місячно,  
80 „ квартално  
1.50 „ полрочно,  
3 зл. рочно.

В Америці: 1 дол. рочно.

В Чехословакии:

2 кор. місячно, 10 кор. полрочно,  
20 кор. рочно.

Конто чекове Нр. 404.155.

## Чим можна поднести доходы с Горских Господарств.

Каждый с нас хотіл бы мати со своего господарства як найвекши користи. Люды робят ріжны пробы, але звычайно пробы заводят, бо ціна рольных продуктов ест так низка, же што лем ховаш, то на вшитком ест втрата.

Коли кто выйде на торг, може ся легко переконати, же так землеплоды, як и статок мают барз низку ціну и за вложеный труд газда не достае нич и ледво покрыват кошты продукци. Лем одны коні сут тепер дост дорогы, але коні може ховати лем богатший газда, бо удержане коня коштуе дуже.

Штож отже мают робити вшиткы худобнійши, котрых не стати выховати доброго коня? Преця мусит ся штоси ховати на господарстві, бо иначе допрывадит ся до выявленя грунту и голода.

Так, ховати ся мусит, але треба конечно ховати иначе, як те многы робят до тепер. Треба ховати нераз меньше штук, але тот статок, котрый ховаме, мусит быти добре откормленный и при том мусиме старати ся о ліпшу породу домашних звірят.

Относит ся тото передовсем до годовлі овец в наших горах. Волна о хеваных до того чаю овец ест рідка, она має долгы кудлы, котры сут тяжкы и крехны, задержуют слабо тепло и через тото не надают ся на кожухы. Тому тыж и ціна таких овец ест низка и годовля их, не приносячи сподіваного дохода, упадаг в дакотрых селах с каждым роком. Послїдством упадка годовлі овец являт ся факт, же наши пасовиска и горскы луку на полянах яловіют и дают шторае меньше сіна. Оповідал мені оден поважный, старый газда, же давно, коли его отец тримал овцы и закладаг по горах кошары, с поляны в горах зберали по 10 и веце возов рочно гардого, листового сіна, а тепер он накосит там ледво 2—3 возы острой кустрицы. Уж с того одного приміра видно, яку страту мают днеска господарства через занедбане той важной галузи.

Товариства Рольны, якы находят ся в каждом повіті, видячи тоти страты и упадок господарств горских, звертают чимраз векшу увагу на поднесене годовлі овец. Знаючи о том, што днеска людам тяжко о гроши на купно расовых овец, котрых ціна ест дост высока, Товариства Рольны повітовы закладают по селах так званных гнізда. Одно гніздо складагт ся с 4—5 штук овечок и одного трыка (барана) и таких гнізд в одном селі закладагт ся 3 до 4-рох. Овцы и бараны достають газдове без грошей, але мусят в продолженю трох літ оддати Рольному Товариству повітовому с приховка тилько штук, килько достали. Поданя в тых справах треба вносити до Повітовых Товариств Рольных, котры в міру средств закладают такы гнізда по селах.

В повіті ново-сандецком заложено уж такы гнізда в Тыличі, Мушинці и Богуші. Крім того основано кружки розводителей овец в Вірхомлі Великой, Мохначці Выжной и Бересті. В осени переведено конкурс выхову ягнят в Мохначці Нижной, где ест их уж 34 штук. Переведено также перегляд премиованя овец в Вірхомлі Великой, Жегестові, Щавнику, Злоцком, Мохначці Нижной и Бересті и роздано загалом 650 зл., яко нагороду тым газдам, котры мали найкрасше удержаны и выхованы овцы.

С того видно, што правительственных круги старают ся прити людам о помочем, треба лем по тоти помоч вытягнути руки. Овцы для розвода можна достати даром, лем треба о них дбати, штобы они не попадали с вянх газды, бо в таких случаях Повітовы Т-ва Рольны шадают за них заплаты.

Повітовы Товариства Рольны уряджают также бесплатны 6-неділны курсы выправы овечих скор. Товариство Рольне в Новом Санчі хоче оден такый курс урядити ище в тем року. Урядит тот курс в Крыници, если найде ся по крайной мірі 20 участников курса,

котры згодят ся заплатити вписового по 50 грошей и будут мати свои овцы скоры до выправы (1—4 скор). Крыница даст поміщене для науки и помешкане, опал и світло для инструктора курса.

Курсанты не мусят быти с самой Крыници. Наука отбыват ся 2—3 дней в тыждні, бо учит ся курсантов практычно, отже в том часі, коли скоры мокнут, курсанты могут порозїзджати ся. Курс такый ест потребный, бо через уміду выправу овечих скор, подносит ся их ціну и находит ся все на них отберателя в войску и желізной дорозі. Крім того наждый курсант може выправити скоры для себе и родины на кожухы.

В виду того, што яр уж недалеко, треба такый курс урядити ище перед Великодныма Святами, тому голосте ся численно зараз по одержаню газеты, штобы можна было в другой неділі поста распечати науку. Не жалуйте труда, бо лем через науку можеме поднести доходы с наших горских господарств.

## Из Америки.

В. П. ГЛАДИК.

Американска Русь интересуе ся справом Руского Народного Дома во Львові.

Я писал, же мы в Америці живо интересуеме ся вашим культурно-народным и экономично-господарским поступом. Передом коли, ту люды робили и зарабатли, мы зберали жертвы и запомагали наши народны инстїтуции на Лемковщині и восточной Галичині, але тепер ту депресия, люды мало робят, сами бідуют, тому не можна зберати жертв на ваши бурсы, читальні, народны дома и церкви.

Тепер мы ту интересуеме ся справом Руского Народного Дома во Львові, Дом тот



на основі рішення мирної конференції в Паризі мал би по укінченню війни перейти в полне посідане законних его властителів, як перешли українськы, німецькы, литовськы и др. інституції. Однак не знати, с яких причин польськы власти отдали Рускый Народ. Дом во Львові в руны назначеных комисаров, котры ведуть неуміло господарку, задолжують масток и можут допровадити до того, же тота стара народна інституція може пропасти.

Такий поступок несправедливый и тому мы ту організували комитет, котрый зберат жертвы на того, штобы выдати на англицком и руском языках истерию Р. Н. Д. с описанем, кто и для якої ціди сновал Р. Нар. Дом, як он розвивав ся передом и што постыгло его тепер. Комитет скикуе ту митингы (віча), на котрых западають отповідны резолюції, котры будут погоджывше разом с истерією Р. Нар. Дома и с отповідно зредагованем просьбом предложены Лигі Народов и правительством великих держав, котры с Польщом подписали мирный договор с Версалю.

Нас ту бара дивує, чем польське правительство так поступат в справі Р. Нар. Дома. Мы ту в Америкі, а думам, же и вы стоите на становищу словянской взаимности и сполученія словянских сил против німецького „Drang nach Osten” — и если бы німцы начали войну с Польщом, то мы обязаны ити разом с поляками против німцев так, як ишли перед 500 роками наши предки, коли німцы задумали завоевати прилеглы к Німеччині словянскы землі, але были розбиты польськыма и рускыма войсками под Грунвальдом.

Гитлер в книжці „mein Kampf” (моя війна) выразно гварит, же німцы мусят росширити свои границы на восток и на Украину и тоты землі колонизувати, бо в Німеччині им тісно. О том знають польськы верховны мужи и они мали бы провадити такую політику, штобы в руском народі мати союзника. В цілі проведення своих плянов німцы годують в Берлині Скоропадского, Коновальца, Коростовца и других „вождей” украинского „войска”, штобы в случаю войны робили для німцев такую „службу” для німцев, як в минувшу войну и штобы заключали с німцямитакы угоды, якы выгоды німцам, як то было по войні в Брест-Литовску.

Мы ту чигаєме наши рускы, украинскы и польськы газеты со Львова и Варшавы, котры пишут часами о справі Р. Нар. Дома во Львові, але с газет не можеме порозуміти, яка причина тому, же польське правительство тримат в Р. Н. Дому во Львові нежданых комисаров и до тепер-по 15-тох роках, не передало его законным властителім.

## В Америкі протестуют против большевизма, ширеной редакторами америк. „Лемка”.

В последних часах отбыл ся в Сполученных Штатах Полночи. Америкы ряд собраний, скликанных по різних містах Обществом Русских Братств, на котрых собрании одглаголосно рішили запротестовати против большевизма тергору в России и веденія большевизмской пропаганды в Америкі через газету „Лемко” и ей редакторов. Тоты численны митингы доказуют наилучше, што в Америкі народ познал ся на роботі лжеперероков, котры дурят людей большевизмским раем.

## Згоды нам треба.

Як пташкам повітря,  
Як рыба вода,  
Так Лемкам потрібна  
Едність и згода.

Чуда докажемо  
Згодном громадом,  
А вшитко стратиме  
Сварком и звадом.

Лем ся кус посмотме,  
На марну пчолу,  
Што то мож зробити,  
Дружно—посполю...

Бо в організації  
В єдності сила:  
Една пчола меду,  
Не наробила,

А и от мурянки  
Учме ся труда,  
Хоц то марный олад,  
А мы-сме людзі.

Дал нам Господь розум,  
Волю, бесіду,  
А мы ся свариме,  
Не маме встыду...

А ци то єст гонор  
Нам ся сварити?  
Не єдної Матері  
Вшиткы мы діти?

Маме душу, серце  
И в Бога віру,  
Маме преця розум,  
Знайме-же міру!

Най ся раз потішит  
Наша Русь свята,  
Же уж не наровит  
Брат против брата.

Бо вшиткы жиєме  
В біді, недоли,  
Ци то православный,  
Ци грек—католик,

А дост маме врагов  
С кождіцької страны;  
Отвергх, нахальных  
И маскованных...

А вшиткы чатують,  
Бы нас розбити...  
Лем смотме, не впадме,  
В их зрадных сіті—!

Русенко.

## ОБЪЯВЛЕНЕ

Повітове Товариство Рольне уряджат в Крыници-Селі курс трикотарский. На курсі том буде учити ся вирабляти с власной волны светры и рукавички для нартярв. Курс обыйме также науку фарбованія домашной волны.

Курсанты мають обезпечены стабы доходы.

Тепер єст замовлене на 8000 штук нартярвских рукавиц. Зголошення в редакції „Лемка” до 20. марта 1935 р.

В Понеділок, дня 25. марта 1935 р. о годіні 2-гой по полудни, в салі Уряда громадского в Мушині выголосит рольный инструктор с Нового Санча реферат:

1) О хові расовых овец

2) О розложению на раты газдовских долгов.

Просит ся во власном интересі о найчисленнійше прибыть.

Насіне лону до сїяння можна купити в Повітовом Товаристві Рольном в Новом Санчі в ціні по 72 зл. за 100 кг. Гроши посылати зараз. Замовлення мусят выносити найменше 50 кг.

В Крыници отбуде ся курс выправы доктор. Зголошення принимат редакция „Лемка” в Крыници до 20. марта 1935.



## Котра робота ПАТРИОТИЧНА

(продолжене)

И не лем Д-р Семан Пыж высказывал прианятельность нашой діяльности, но также и тот вічно недоволеный и строгый крытык чуждой діяльности и моральности, редактор американского „Лемка” Вань Гуканка (Дмитрий Вислоцкий) печатал в своем америк. „Лемку” дописи похвальны по адресу польского правительства за его отношеніе к лемкам в школьном ділі, а к старокраєвым общественным діятелям уж по повороті до Америкы Д-ра Семана Пыжа (отже по ревизии нашой діяльности и политики писал писма настаиваючи на того, штобы можливо скоро начали выдавать лемковской газету дя народа.

То єст факты, на котры єст не десятки,

але соткы свидков так у нас, як и в Америкі, на котры єст доказы лучши от воіх свидков, бо дописи печатаны в газетах „Правда” и америк. „Лемку” и автентичны писма.

Но стала ся річ нежданая. В два або три місяцы по повероті Д-ра Семана Пыжа из Лемковщины до Америкы осенью 1933. его устранили от редакторства газеты „Правда”.

Правленіе Общества Русских Братств, отдаючи его от должности редактора газеты „Правда”, мотивовало того устранише тым, што направлене, яке начал Д-р Семан Пыж, яко редактор газеты в газеті той переводити не отаічат програмі общества.



Начала ся в Америкі завзята газетна борба медже американським „Лемком“, до которого примкнул Д-р Семан Пыж, а газетом „Правда“ редагованом уж иншими людьми, в котрой то борбі упало не одно горьке слово правды и не один тяжкий заміт:

Головний заміт, який Общество Русских Братств подносило против Д-ру Семану Пыжу и котрым мотивовало устранине его от редакторства Правды был тот, што Д-р Семан Пыж большевик и што в газеті „Правда“ начал выхваляти большевиков. Мы ту в старом крју мали того Д-ра Семана Пыжа перед трома місяцями на Лемковщині, слухали на публичных собраниях и в частных разговорах его слов, полных патриотичного порыва и чисто национального напора, а натоіст не мали мы возможности читати точно вшитко, што передом и по повороті из Лемковщины писал Д-р Семан Пыж в газеті „Правда“. Тому нич дивного, што мы не вірили в того, штобы правлене Общества Русских Братств мало рацию и думали, што Д-р Семан Пыж пал жертвом личных интриг и для того мы, котры от Д-ра Семана Пыжа взглядно от организаций американских, котры он репрезентовал, надіяли ся якоіс моральной поддержкой для нашей организации, прогнане Д-ра Семана Пыжа от редагованя газеты и взагалі от Общества Русских Братств уважали за тяжкий удар нанесенный не нем национально-русской американской эмиграции, але также и нашей старокраевой лемковской организации.

Мы до той міры заміт большевизма, поднесеный против Д-ра Семана Пыжа уважали за неоснований, што начали мы аж и готовить обще от всіх лемковских русских обществ и организаций заявлене в обороні поруганой национальной чести Д-ра Семана Пыжа и заявлене того хотіли мы послати до вшитких руско-американских газет и организаций.

Но на наше счастье подолжене выяснило ся скорше, як мы ждали.

Бо Сполучены Станы Полночной Америки в том именно часі признали советску власть и впутили до себе большевических представителей, а большевикам пропаганда подсычена большевическим золотом начала действовати совсем явно и с цілом силой. И тогда тот Д-р Семан Пыж, котрый ище три місяцы передом нам ту в старом крју давал порученя, указаня и советы, як повести руско-национальную организацию, упал пляцком перед еврейским комиссаром Литвиновым и витал его от имени американского Лемковского Союза.

Тепер стало нам вшитким ясно, кади завернули два представителі америк. Лемко-союза и чом так нагло, так основано Д-р Семан Пыж перемикал ся из русского националиста в открытого большевика.

Нам попал в руки случайно инший номер америк. „Лемка“ где Д-р Семан Пыж выясняет, як то он колиси учил ся религии, а погедивше перестал ся учить и перестал вірити, и як то чоловік, познаючи світ и людей, иде все вперед и мінят свои погляды и переконаня.

Перший примір с религием, то совсем глупый, бо утрата віры в таких случаях не ест наследством новых идей и новых познаний, а наследком развитна ума дитины, котрый приходит с літами. Иначе мыслит дитина, коли має 6. літ, а иначе, коли ей 12. Але сейчас приходит чоловік уж до зрілого розума и тогда мусит мати поважны и слушны причины, штобы постепенно зміняти свои погляды.

Але чоловік, котрый ціле жите а по крайней мірі до 40. літ ест националистом, а коли тратит місце редактора, стае отраз интернационалистом и идюе на вшитко того, чому вчера поклонял ся, то не чоловік прогреса, лем чоловік „бизнеса“—человек интереса.

Слiдовательно панове американскы редакторы от „Лемка“ не мы политичны спекулянты и „бизнесмены“, котры торгуют не лем своим политичным взглядом, але и своим народном душой.

Нашой национальной программы, за котру отрадали мы в Талергофах и вiденских кривиналах мы не змінили, а вы уж ю змінили, уж вы ся ей отрекли, вам смердит „святая Русь“ и руска история, а вы смотрите лем за том „будучом рольом“ яку отиграют трудячи ся массы в истории свiта.

И тима фразами „культурный прогресс“, „нова культура“, „правдива просвіта“, „будуча роль рабочих масс“, „прогрессивна работа“ вы так вертите, як тоты комедианты в армзочных будах и числите на того, што так отуманите бiдных читателей.

И ловите рыбу в мутной воді, бо выкористуете загальну нужду рабочего народа, безработе и страшну депрессию господарчу, яку переживает цілый свiт и як тоты гиены, котры на побоевску глядят и пожерают трупов, так вы на побоевску господарчом глядите наживы.

Смієте ся из церкви и попов, што они тішат людей будущим житием загробным и будущим счастьем небесным, а сами тішите своих читателей „том будущом рольом рабочих масс“.

И якак тот „будуча роль“ панове редакторы. Ци вы ю знате, ци можете ю определити и предвидіти?

Уж третю „пятилітку“ переживают народ в советах, а ище при першой прирекли жидовскы комиссары рай на землі для „рабочих и крестьян“.

А днеска при третей „пятилітці“ гинут миллионы от голода и нужды, а вы сидячи спокойно в Кливленді за зеленым столом, пишете о будущом царстві, о будущем рае большевическом.

И хоц вы плюгавите свое гніздо, гварячи, што в истории нашей ніт приміров, штобы простой народ совершил якийс подвиг, то всеже мы мимо того гордиме ся нашим мичувшостюм и тым, што не было на Руси за тысячу літ ни одного случая, штобы жид был не то министром, але и писаром министра и пытаме вас, вы лемковскы большевики, як вы ся чувствовали, коли вы пришли с поклоном от американского „Лемко-союза“ до жидовского комиссара Литвинова.

А вертаючи до лояльности в виду державы, мы пытаме вас панове, ци вы взглядно наши найширши рускы патриоты не святкуют американских державных свят, не вішают звiздистого америк. прапора и взагалі не уважают Сполученых Станов за свою отчизну.

От нас вы жадате „оповициности“ и „революциности“, а сами вы утекли до Америки и там робите оповицию и революцию, але не против державы, бо ся того боите, лем против русских национальных асекурациийных организаций для того, што они не хотят допустити вас до своих миллионных фондов.

Але долге на том жоню, на которого вы сілк, вы не поидете.

Мате до діла с лемковском эмиграциом, котра из крови и кости чувствует себе руском, Выкористуючи депрессию и безработе

вы маните своих читателей большевическими идеями.

На разі позволяют вам ище ваши хлібодатели писати о рускости (хоц не о той святой Руси,—лем о „прогрессивной“ рускости) але долго того не буде.

Приде час, коли „Скопскы мудрецы“ скажут вам вычеркнути из программы хоцбы и тоту „прогрессивну“ рускость и станут, або на холзкой платформі интернационализма, або поручат вам „украинизоватись“.

Таку же дорогу перешли и наши галицкы „Сель-робы“ и вас не жде лучша судьба. И тогда деперва вы поведете в большевический рай маленьку гороточку приверженцов, бо оотны из тых, котры днеска ище засліплены, прозрят и оставят вас.

(Продолжение в слiдуе).

## Глядают дурных.

Відома річ, што роботом украинских террористов, членов „Организации Украинских Националистов“ управляет бывший „полковник“ бывшій украинской армии Евгений Коновалец, сын народного учителя.

Газета „Діло“ из неділі 3. марта т. р. печатат допись украинского поэта, Д-ра Стефана Барана, в котрой он доносит, што Коновалец в послiднем часі в украинской, эмигрантской пресі в Америкі начал широкую акцию, штобы медже украинскими эмигрантами в Америкі собрати „лем“ 40. тысяч долларов на дальше ведене злочинной разбойничьей акции на терені нашей державы.

В отозві своей пише Коновалец, што треба в одном році собрати 40. тысяч долларов, бо вшитко ест готове, „лем бракуе грошей на амуницию и переведене террора“.

Тым нибыто загряз ся и зажурил ся Д-р Баран, бо гварит, што украинской державы не збудуе ся не то за 40. тысяч долларов но и за 40. миллион долларов, але иншими способами треба ю будовати.

Причины того явления суг ясны.

До недавна Коновалец сидел в Берлині и соттамаль руководил бандитскими нападениями и убийствами и німцы давали на тоту бандитскую работу пенязей поддостатком, так, што и Коновалец и его агенты и помощники мали из чого жити и живи достаточно и выгодно.

Но перед пару місяцями Польша заключила згоду с Германом такую, што одна держава с другом не буде воевала, а при той случайности каждая сторона обязана ся не подпорвати у себе роботу шкeдливую для другой державы.

Таким отже способом Германия мусіла выдалити из своих границ такого бывшего „полковника“ Коновальца и перестала давати ему миллионы сумм на разбойничью работу,

И для того „полковник“ Коновалец, котрый из Берлина мусіл выхати до Женевы и те с перожным куферком, глядат дальшей наживы у американских украинцев и им хаже складати жертвы на свою „патриотичну“ работу, або гварячи словами Д-ра Барана жертвы „на будову украинской державы“.

Ци много збере „пан полковник“ в Америкі не знаме, але людей глупых днеска уж мало и може скажут „пану полковнику“, штобы он вмiсто руководити бандитами, ишол в „майну“ угля копати и честно на хліб наеущий зарабатывать.



Не можна однак помпнути молчанем и стависка Дра Барана и той его отвагы, што так явно выступат против О. У. Н.

Не от вчера истнуе украинске Уидо и не от вчера дійствуе украинска террористична організація, але не так явно выступало Уидо против украинскых террористов. Видно, што слова министра Косцялковского под адресом проводыров из Унда подійствовали хоц на короткий час...

## Надзвычайне Обще Собрание

членов Общества „Русская Бурса в Горлицах“ отбуде ся в неділю дня 31. марта 1935 о год. 10 во власном домі со слідуячом

програмом дня:

1. Открыте Общего Собрания и выбор президиума.
2. Принятие нового статута Общества.
3. Предложения и запросы членов.
4. Закрытие Общего Собрания.

Если в означеном часі не явит ся жадаемо статутном число членов, то слідуяче Обще Собрание отбуде ся в том самом місци і с том самом програмом о год. 11. (оденадцетой).

Доводит ся до відомости членов, што проект нового статута буде выложеный до пересмотра в бурсі на 7. дней перед Общим Собранием.

Выділ Общества  
„Русская Бурса в Горлицах“.

## Хвороты заразливы:

Што то ест трахома.

Трахома або египетске запаленє, ест барз тяжка и небезпечна хворота очей. В нашої державі ест около пол милиона людей, хворых на трахому. Хворы на трахому часто сліпнут и стають ся каліками неспособныма до работы и заробкованя. Прото сут тоты каліки великим тягаром для своих родин и для цілого загала и державы.

Трахома ест великим несчастьем не леч для тых, котры на ню терпят и котрых приводит до каліцтва, але быват она великом бідом для цілого окруженя хворого. Бо каждый, кто спотыкат ся с хворым на трахому, барз легко сам том хворотом може заразити ся прото, же трахома, то хворота барз заразлива.

Если в родині одна особа хворіє на трахому, то в коротком часі вшиткы домашны барз часто заражують ся от хворого на трахому.

Трахома ест хворота подступна.

Зачинат ся неспостережено, без всякых непокоючих признаков и розвиват ся барз повольно и непозорно.

На самом початку хворый чує под повіками легке свяленє, або хворого пече в очах—потом очи зачинають червеніти и плывут с них слезы.

С рана до ночи сут очи закислены. Хворый чує тепер, як жебш мал под повіками

пісок. Повікы зачинають покус грубіти и робят ся отяжлы. Але праві все, ани хворый, ани его окруженє, не звертають жадной увагы на початкы той хвороты, жотра барз помалы приходить и ест хворотом долготривалом и несчастном в своих послідствах. На повіках робят ся неровности и такы малы крупочки, зеренца, подобны до зеренок каши ягльной (оттого называт ся трахома по польскы яглиця).

Если хворый на трахому не зачне лічити ся в самых початках захвореня, то хворота стає ся для хворого што раз барже досучлива, бо хворы очи што раз больше болят и под повіками хворого коле. Часто товды хворы бесідуют, же шгоси им до ока впало, же в очах коле, же перше николи очи не боліли.—Але оно до ока нич не впало, лем там ест трахома, котра спричинят того колоте в очах.

Хворы не можут смотріти ся до світла, чуют до него одразу и не можут отверати повік, бо оно спричинят им ище больше болясти. В таком стані трахома уж на добре в очах розгостила ся.

С ока выділят ся дуже отоку, ропы, а в той ропі ест барз дуже заразков трахома.

Если хворый дальше не звертат увагы на того вшитко и не лічит ся, то трахома дальше нищит очи.

Ропы, котра творит ся на хворых повіках, стікат през „корнегу“—роговку, або, як на селі гварят, ляльку—нищит того ляльку, наджерат го—роговка коломутніє и на ляльку зачинає ся робити більмо.

Повікы стають ся грубы и тяжкы, шпара медже півками ест узка и око выдає ся нам меньше, як звичайно.—Волоскы на краях повік, рісницы, на здоровых повіках уложены гладко и в єдну сторону, зачинають росходити ся в ріжны стороны—завивають ся до лялька и дражнят того ляльку. Волоскы выпадають часами цілковито с повік.

Трахома може тревати долше, або коротше, а може тягнути ся и цілыма роками, аж хворый цілковито осліпне.

Прото мусиме памятати добре, же ліченє трахома мусит зачинати ся в перших початках захвореня, як лем очи зачали боліти.

Ліченє мусит быти тягле, не прерыване, покля не выгоиме хворых очей.

Чим вчаснійше зачнемє лічити хворы очи, тым менши сліды лишит трахома в наших очах и тым скорше буде вылічена.

Кто занедбат лічити ся, як хворіє на трахому, тому грозит сліпота.

## Важне для селян

Фабрики волняных выробов звертають увагу селян на масовый хов расовых кроликов породы ангорской, котры дають дуже цінну и популну волну. Хов тых кроликов даст газдам далеко больший и певный доход, чим хов кур, гусей, свиней, а навет коров.

О близши информации в ділі закупки кроликов, почуень о способах кормленя, збераня с них волны, продажы волны належит звертати ся под адресом: Strzyżów n/Wistokiem Skrytka poczt. № 1. Под тым самым адресом можна продати овечу волну. В таком случаю треба послати пробкы волны 5—10 гр. и описат барву волны и подати ціну.

## Што чути в світі.

Саарска область вернула до Германии. Дня 1. марта отбыло ся в місті Саарбрикен торжественне переданє власти над Саарском областью в руки Германии. На том торжестві присутствовал канцлер Гитлер, котрый приїхал с Берлина аеропляном и германскый посол в Відни Папен.

Большевики носят ся с пляном розобрати славну церковь св. Софии в Києві, котру побудовали ище наши князі и котра становит памятник старинной штуки. Против того варварского нищеня исторических памятков, котры свидчат о нашем славном прошлом, запротестовал оден англискый ученый в найпочтнійшой газеті «Таймс».

Испанске министерство войны рішило укріпити Балеарскы острова, котры сут положены на Средземном море.

Ци диктатура в Югославии. Понеже в Югославии ест сильна оппозиция против правительства примьера Евтича, заносит ся на диктатуру. Диктатором має быти ген. Живколич, котрый уж был раз диктатором перед килькома літами ище за життя убитого короля Александра.

Италянскы подданы против Италии. Газеты доносят, што в связи с конфликтом италянско-абиссинским в Еритреи (италианской колонии, котра граничит с Абиссиниом) населенє ест настроєно ворожо до италянцев и штобы удержати там порядок, Италия мусит там держати барз много войска.

Катастрофа в Альпах. Недавно обснула ся гора сніга в Альпах и привалила сємох турыстов. Вшиткы погыбли.

В Турциі отбыли ся недавно выборы до парламента, в котрых приняли по раз перший участь женщины. Тепер нововыбранный парламент выбрал президента державы в особі Кемала Ататурка, котрый занимает тот пост уж долги рокы от часу устранения султанской формы правленя в Турциі и котрый перепровадил много реформ.

Апететы Японии. Одна японска газета, котра выходит в Харбині, выступила недавно с проектом отобрания Индий от Англии, котрой в заміну хоче отдать Западну Сиберию. О восточной Сибири нич не гварит. Певно, Япония приготавливает ю для себе. Як видиме, то апететы Японии сут барз великы. Японцы повинны однак памятати, же як ктоси хоче за много, то може ся задавити.

Мадярщина має новый кабинет. Мадярскый премиер Гембеш подал ся недавно до дымисии. Регент Горты поручил єму утворенє нового кабинета, што тот и зовбил, Спис новых членов правительства затверджений.

В Відни отбыват ся тепер славный процес перед войсковым судом. Судженым являть ся д-р Ринтелен, бывший посланник австрийскый в Римі. Судят єго за того, што минувшого року ище, як жил убитый канцлер Дольфус, хотіл зробити переворот, штобы прилучити Австрию до Германии. Д-р Ринтелен был членом организации гитлеровскэй.

Селянин выиграл миллион. Оден бідный селянин в Стйрии выиграл на лотерии миллион шиллингов.

На Гавайских островах падал град надмірной величины так, што много людей отнесло раны от барз великих грудок града.

Катастрофа автобуса. В одном німецком місті наїхал автобус, котрым іхали роботники до работы, на паровый валец. Оден роботник убитый, а 11 тяжко раненых.

Борба рабинов с правительством Чехословакии. В Мукачеві и по околных селах появили ся отозвы розліплены на домах, подписаны 45 рабинами, в котрых тоты завзывают жидов-хуситов до борбы с правительством и с бежбожничеством, котре оно ширит.